

sumario

editorial

colaboraciones

Despedidas 2



Editorial 3

Avaliación de diagnóstico 3

Educar é acender faros 4

complementarias

Viaxe a Mallorca 5 e 6



Museo do Pobo Galego 7 e 8

Observatorio Astronómico 9

Granxa de Marcelle 10

CEIDA de Oleiros 11

escolares

Promoción 2002-2011 12 e 13

Pasamos a Primaria 14

Letras Galegas 2011 15

Fixemos Roscas 16



investigamos

Obradoiros 17

Que sabes.. de Gaudi 18

Que sabes... dos bermes 19

Que sabes... da Prehistoria 20

a biblioteca

ANPA 22 e 23

Nestes últimos meses, moitos compañeiros e compañeiras, preguntábanme que é o que se sinte cando un está a punto de xubilarse. Eu non tiña resposta, pero tratei de rebuscalo e atopei tres, ademais dos sentimientos que afloran agora que vou a deixar a dirección do CEIP PIO XII despois de 11 anos, e tamén o ensino activo que estiven exercendo durante 41 anos.

En primeiro lugar sinto un profundo agradecemento a todas as persoas coas que convivín en todos estes anos. De todas e todos aprendín, e todas e todos me achegaron algo positivo.

En segundo lugar, mostrar unha enorme satisfacción por todo o traballo que desenvolvín nas miñas clases, así como en levar a Dirección deste Centro, comprobando que a maior parte dos docentes se implicaron en todas as actividades propostas, sendo todas elas moi enriquecedoras, tanto para nós como para todo o noso alumnado.

Por último, en terceiro lugar, ter unha grande ilusión pola nova vida que agora me espera como xubilado, ter máis tempo dispoñible para intentar facer outras cousas que estiveron un pouco estancadas, dedicarme á miña familia, ás miñas actividades recreativas, a viaxar e recordar velllos tempos, e un etc. moi longo. Sen dúbida tamén gustaría non esquecer ao "meu centro", e sempre que necesedes de mim en calquera colaboración, aí estarei eu.

Non podo esquecerme nesta editorial das nosas compañeiras e compañeiros que tamén se xubilan ao remate deste curso: María Matilde García (Matusa), Inés Calvo, Marita Rozada, Carmela Silva, Margarita Otero, Ana Sáez, Francisco Picos e Marita Vilar. Todos se abriron ao alumnado aos que lle daban clase, brindándolle todos os seus coñecementos das diferentes áreas, intentaron formar a persoas íntegras e verdadeiras, traballadoras e traballadores, aconsellábanos e transmitíanlle un grande apoio para enfrentarse ás novas vidas que lles esperaban. Todas elas e eles deixan o Colexio para pasar a outra etapa da súa vida máis tranquila e descansada.

Esperamos que este novo proxecto que comeza a desenvolverse nas súas vidas o vindeiro día 1 de Xullo sexa non menos que un avance e un progreso para eles, e que ademais poidan descansar despois de tantos e tantos anos adicados a este grande traballo: a ensinanza e a formación das novas xeracións.

Chega o momento de despedirme, de dicir adeus, dar apertas, aplausos, en fin, cumplir co ritual que indica que é o final dunha etapa da vida. Todo parece moi sinxelo, pois só cunha palabra, "ADEUS", parece que rematamos, pero non, o asunto é máis complicado e máis simple. As despedidas teñen esa complexa sinxeleza dos finais que non rematan, e coa expectativa dun inicio, que ainda non chega.

Antonio Fernández Regos
Director



Hoxe non damos un triste adeus, a despedida que celebramos é de alegría, festiva, xa que fai o inicio doutra etapa das nosas vidas. Todos os anos que lle demos ao colexio celebrámolo cos recordos, desgustos vividos, alegrías, como a celebración dos 25 anos, así como a grande cantidade de actividades desenvolvidas.

Desexamos a todas e todos o mellor na vida, que busquen a felicidade en cada instante, en cada momento, ainda que non a atopen, aínda que non exista, sinxelamente que busquen a felicidade, que habita nos actos cotiáns, a que está nas nosas cousas sinxelas, na mirada e no sorriso dos que despedimos, nas súas accións diarias que alimenta as súas vidas.

Sen máis grazas por todo, e moita sorte a alumnas e alumnos, compañeiros e compañeiras, amigas e amigos, nais e pais,...etc.

Unha grande aperta e adeus.

AVALIACIÓN DE DIAGNÓSTICO

Arredor de 45.000 alumnas e alumnos de 2º da ESO e 4º de primaria sometérónse á Avaliación de Diagnóstico 2011 na Comunidade Autónoma de Galicia, que organiza por segunda vez a Consellería de Educación e Ordenación Universitaria.



Uns 1.100 centros educativos de Galicia todos os que imparten ensinanza básica- pasaron as probas entre o seu alumnado.

A Avaliación realizouse os días 11 e 12 de maio na ESO e 19 e 20 do mesmo mes en primaria.

O obxectivo desta proba é coñecer o nivel de desenvolvemento das capacidades básicas do alumnado ao remate dos devanditos cursos - ao mesmo tempo, fin do segundo ciclo de primaria e do primeiro de secundaria-.